



ՀԱՍՏԱՏՎԱԾ Է
 Հ գիտական խորհրդի 2026թ.
 հուլիսի 11-ի թիվ 12 նիստում
 Ռուզաննա Հակոբյան
 «11» հուլիսի 2026թ.

ԳԱՎԱՐԻ ԴՆԵՏԱԿԱՆ ՀԱՄԱԼՍԱՐԱՆ

2026-2027 ուստարվա ուսումնական աշխատանքների հաշվարկի նորմեր

h/h	Աշխատանքի բնույթը	Ժամանակի նորմեր	Ծանոթություն
1.	Դասախոսություններ բակալավրիատում և մագիստրատուրայում	1 դասաժամը՝ 2 ակադեմիական ժամ	1 ակադեմիական ժամը հավասար է 35 րոպեի, 1 դասաժամը հավասար է 2 ակադեմիական ժամի՝ 70 րոպեի
2.	Սեմինար պարապմունքներ բակալավրիատում և մագիստրատուրայում	1 դասաժամը՝ 2 ակադեմիական ժամ	
3.	Գործնական պարապմունքներ բակալավրիատում և մագիստրատուրայում	1 դասաժամը՝ 2 ակադեմիական ժամ	
4.	Լաբորատոր պարապմունքներ բակալավրիատում և մագիստրատուրայում	1 դասաժամը՝ 2 ակադեմիական ժամ	
5.	Ստուգարքների ընդունում	1 ակադեմիական ժամ՝ 4 ուսանողին	
6.	Միջանկյալ քննությունների ընդունում	1 ակադեմիական ժամ՝ 4 ուսանողին	
7.	Քննությունների ընդունում	1 ակադեմիական ժամ՝ 3 ուսանողին	
8.	Ուսանողների ինքնուրույն հետազոտական աշխատանքի ընդունում բակալավրիատում	4 ակադեմիական ժամ՝ 1 դասընթացի համար	մեկ կիսամյակում
9.	Ուսանողների գիտելիքների և կարողությունների ընթացիկ ստուգում մագիստրատուրայում	1 ակադեմիական ժամ՝ 2 ուսանողին, 1 դասընթացի համար	մեկ կիսամյակում
10.	Կուրսային աշխատանքների ղեկավարում բակալավրիատում	4 ակադեմիական ժամ՝ մեկ կուրսային աշխատանքի համար	
11.	ԳԴՀ գիտական հոդվածների ժողովածուում տպագրման համար հոդվածի գրախոսում	3 ակադեմիական ժամ՝ մեկ հոդվածի գրախոսման համար	
12.	Բակալավրիատի ավարտական աշխատանքների	24 ակադեմիական ժամ՝ 1 ավարտական աշխատանքի	

	ղեկավարում	ղեկավարման համար	
13.	Բակալավրիատի ավարտական աշխատանքների գրախոսում	3 ակադեմիական ժամ՝ 1 ավարտական աշխատանքի գրախոսման համար	
14.	«Համակարգչային ճարտարագիտություն» մասնագիտության ավարտական աշխատանքների բնապահպանության, կենսագործունեության անվտանգության և տեխնիկատնտեսական բաժինների ղեկավարում	2 ակադեմիական ժամ՝ 1 ավարտական աշխատանքի մեկ բաժնի ղեկավարման համար	
15.	Մագիստրոսական թեզի ղեկավարում	1 մագիստրոսական թեզի ղեկավարման համար՝ 30 ակադեմիական ժամ, որից 10 ակադեմիական ժամը կարող է կատարվել 2-րդ կիսամյակում, 10 ակադեմիական ժամը՝ 3-րդ կիսամյակում, 10 ակադեմիական ժամը՝ 4-րդ կիսամյակում	
16.	Մագիստրոսական թեզի գրախոսում	4 ակադեմիական ժամ՝ 1 մագիստրոսական թեզի գրախոսման համար	
17.	Ամփոփիչ ատեստավորման հանձնաժողովի կողմից բակալավրիատի ավարտական աշխատանքի և մագիստրոսական թեզի պաշտպանության կազմակերպում	ամփոփիչ ատեստավորման հանձնաժողովի նախագահին՝ 1 ակադեմիական ժամ՝ 2 ուսանողին, հանձնաժողովի յուրաքանչյուր անդամին՝ 1 ակադեմիական ժամ՝ 3 ուսանողին, արձանագրող քարտուղարին՝ 1 ակադեմիական ժամ՝ 4 ուսանողին	
18.	Ուսումնական, մանկավարժական, արտադրական, նախաավարտական, գիտամանկավարժական, գիտահետազոտական պրակտիկաների ղեկավարում, օրագրերի, բնութագրերի և հաշվետվությունների ստուգում և ընդունում, ստուգարքների ընդունում	շաբաթական 2 ակադեմիական ժամ	

19. Գավառի պետական համալսարանում դասախոսներն աշխատում են դրույքով և ժամավճարային հիմունքներով:

ԳՊՀ դասախոսների դրույքը ձևավորվում է միայն ֆակուլտետների առկա բաժիններում ունեցած ուսումնական բեռնվածքներից, իսկ հեռակա բաժիններում դասախոսներն աշխատում են ժամավճարային հիմունքներով:

20. Յուրաքանչյուր դասախոսի համար դասավանդման ծավալը որոշվում է համապատասխան ամբիոնի կողմից՝ պայմանավորված դասախոսի մասնագիտական որակավորմամբ, ամբիոնի մասնագիտացմամբ, և մեկ ուսումնական տարվա ընթացքում սահմանվում է 700-1080 ժամ:

21. Դասախոսների տարեկան ուսումնական ծանրաբեռնվածության ծավալը ձևավորվում է՝ ըստ ուսումնական պլանների, ելնելով հետևյալ չափանիշներից՝ գիտական աստիճան և կոչում ունեցող դասախոսի մեկ դրույքը բաղկացած է նվազագույնը 700 ակադեմիական ժամից, իսկ գիտական կոչում և աստիճան չունեցող դասախոսի 1 դրույքը՝ նվազագույնը 720 ակադեմիական ժամից:

22. Մինչև նոր ուսումնական տարվա սկիզբը ամբիոնի վարիչի կամ նրա պարտականությունները կատարողի կողմից ամբիոնային տարեկան ծանրաբեռնվածությունը բաշխվում է դասախոսների միջև՝ համաձայնեցնելով նրանց հետ, ներկայացվում ֆակուլտետի դեկանին, ապա ակադեմիական քաղաքականության բաժին՝ ստուգման, և հաստատվում ուսումնագիտական գծով պրոռեկտորի կողմից, ընդ որում՝

ա) մեկ ամբողջական դրույքով աշխատող գիտության դոկտորի, պրոֆեսորի տարեկան ուսումնական ծանրաբեռնվածության մեջ դասախոսությունները պետք է կազմեն ոչ պակաս, քան 240 ակադեմիական ժամ,

բ) մեկ ամբողջական դրույքով աշխատող գիտության թեկնածուի, դոցենտի տարեկան ուսումնական ծանրաբեռնվածության մեջ լսարանային /դասախոսություն, գործնական, լաբորատոր, սեմինար/ ժամերը պետք է կազմեն ոչ պակաս, քան 280 ակադեմիական ժամ, որից առնվազը 140 ակադեմիական ժամը պետք է կազմեն դասախոսությունները:

23. Եթե ուսումնական տարվա համար դասախոսի ուսումնական ծանրաբեռնվածության մեջ առկա են դրույքից ավել ժամեր, ապա նրա բեռնվածությունը որոշվում է՝ հիմք ընդունելով սույն հաշվարկի նորմերի 19-րդ և 20-րդ կետերը: Համալսարանում դասախոսի տարեկան դրույքը կարող է կազմել 0.25-ից մինչև 1.5 դրույք, իսկ ներքին համատեղությամբ աշխատող դասախոսների վարչական և դասախոսական

դրույքների հանրագումարը չի կարող գերազանցել 2 դրույքը՝ ըստ անհրաժեշտության ներառելով նաև ժամավճարի հիմունքներով վարձատրվող դասաժամերը:

24. Ժամավճար սահմանվում է այն դասախոսների համար, որոնց տարեկան ուսումնական ծանրաբեռնվածության մեջ ընդհանուր ժամերի քանակը ավելի քիչ է, քան 0.25 դրույքին համապատասխան ժամերը, ինչպես նաև հրավիրյալ դասախոսների համար՝ հաշվի չառնելով հեռակա բաժիններում ծանրաբեռնվածության մեջ ընդգրկված ժամերի քանակը: Դասախոսի դիմումի համաձայն՝ ռեկտորի հետ կնքած աշխատանքային պայմանագրի հիման վրա հիմնական կամ հրավիրյալ դասախոսը կարող է աշխատել ոչ թե դրույքով, այլ ժամավճարով, կամ դրույք-ժամավճար հաշվարկման եղանակով:

Առկա բաժիններում ուսումնական ծանրաբեռնվածությամբ որոշված աշխատավարձի վճարման սկզբունքը ամրագրվում է աշխատանքային պայմանագրում:

25. Եթե ուսումնական ծանրաբեռնվածության ծավալն ավելին է, քան դրույքի համար նախատեսված ժամերի քանակը, ապա մնացած մասը վճարվում է որպես ժամավճար՝ սեպտեմբեր-հուլիս ամիսների ընթացքում՝ հետևյալ ձևով. դրույքից ավել ժամերը բաժանվում են 11-ի (սեպտեմբերից հուլիս ամիսների քանակին), ապա կլորացվում դեպի փոքր ամբողջական մաս և վճարվում են սեպտեմբեր-հունիս ամիսների դրույքի հետ միասին, իսկ դրույքից ավել ժամերի մնացորդային մասը վճարվում է հուլիս ամսվա ընթացքում: Ի տարբերություն նախորդ տաս ամիսների (սեպտեմբերից հունիսը՝ ներառյալ)՝ հուլիս ամսվա ընթացքում վճարվում են միայն մնացորդային ժամերը՝ առանց դրույքի հաշվառման, քանի որ հուլիսին համալսարանում ուսումնական գործընթաց չի իրականացվում:

26. Դասախոսները վճարվում են կատարած աշխատանքի ծավալին և հաստատված հաստիքացուցակին համապատասխան՝ հաշվի առնելով դասախոսությանը և գործնական աշխատանքին հավասարեցված ժամերը:

27. Դասախոսությանը հավասարեցված ժամերն այն ժամերն են, որոնք վարձատրվում են դասախոսության 1 ակադեմիական ժամի համար նախատեսված գումարով. դրանք են՝ դասախոսության, միջանկյալ քննության, ուսանողների ինքնուրույն աշխատանքի ընդունման, ուսանողների գիտելիքների և կարողությունների ընթացիկ ստուգման, ամփոփիչ քննության, բակալավրիատի ավարտական աշխատանքի ղեկավարման, մագիստրոսական թեզի ղեկավարման, գրախոսման համար նախատեսված ժամերը, ամփոփիչ ատեստավորման

հանձնաժողովի նախագահի և անդամների աշխատանքի ժամերը և հիմնական դրույքից ավել ժամերը: Եթե դասախոսն ունի միայն գործնական ժամեր, ապա դրույքից ավել ժամերը չեն հավասարեցվում դասախոսության ժամերին:

28. Գործնական աշխատանքին հավասարեցված ժամերն այն ժամերն են, որոնք վարձատրվում են գործնական աշխատանքի 1 ակադեմիական ժամի համար նախատեսված գումարով, դրանք են՝ գործնական աշխատանքի, սեմինարի, լաբորատոր աշխատանքի, կուրսային աշխատանքի, ստուգարքի, ուսումնական, մանկավարժական, արտադրական (նախաավարտական), գիտահետազոտական, գիտամանկավարժական պրակտիկաների ղեկավարների, ամփոփիչ ատեստավորման հանձնաժողովի արձանագրող քարտուղարի աշխատանքի ժամերը, ինչպես նաև հիմնական դրույքից ավել ժամերը, եթե դասախոսն ունի միայն գործնական ժամեր:

29. Վերոնշյալ նորմերից տարբերվող ուսումնական ծանրաբեռնվածությունները թույլատրվում են միայն անհրաժեշտության դեպքում՝ ռեկտորի և դասախոսի համաձայնությամբ: